

CONVENIO DE COLABORACIÓN CULTURAL ENTRE A CONSELLERÍA DE CULTURA E TURISMO DA XUNTA DE GALICIA E A FEDERACIÓN DE LIBREIROS DE GALICIA PARA A REALIZACIÓN DAS FEIRAS DO LIBRO DE GALICIA NO ANO 2020.

En Santiago de Compostela,

REÚNENSE:

Dunha parte a Consellería de Cultura e Turismo (en adiante, “a Consellería”) e no seu nome e representación Román Rodríguez González, en virtude do seu cargo de Conselleiro de Cultura e Turismo, para o que foi nomeado polo Decreto 97/2018, do 26 de setembro de 2018, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991.

Doutra, a Federación de Libreiros de Galicia con NIF V15038458 (en adiante “a Federación”) e no seu nome e representación Pilar Rodríguez Álvarez, na súa condición de presidenta, segundo as facultades que lle outorgan os seus estatutos.

As dúas partes interveñen en función dos seus respectivos cargos e no exercicio das facultades que detentan, se recoñecen reciprocamente capacidade legal suficiente para o outorgamento deste convenio de colaboración e, en consecuencia,

EXPOÑEN:

Que as dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades en materia cultural.

Que a Xunta de Galicia ten atribuídas funcións en materia de fomento da cultura, de acordo co establecido no artigo 27.19º do Estatuto de Autonomía, en consonancia co estipulado no artigo 148.1º.17ª da Constitución Española. Dentro dese ámbito competencial, a Consellería vén desenvolvendo dende anos atrás unha serie de actuacións encamiñadas á divulgación, información e promoción da cultura, para achegar o máximo posible o noso patrimonio cultural á sociedade en xeral.

A Consellería quere acometer a realización de actividades de promoción e divulgación do patrimonio e da cultura galega; mediante a programación de actuacións de recuperación da nosa cultura preténdese acadar unha maior eficacia na consecución destes obxectivos, por medio do desenvolvemento de actividades culturais e de fomento da cultura en lingua galega.

A Federación, é unha entidade sen ánimo de lucro que naceu no ano 1977, como unha asociación integrada polos libreiros e libreiras con establecemento aberto na Comunidade Autónoma Galega.



A Federación ten como finalidade un labor de continuidade no campo da promoción e difusión do libro e a lectura e, por extensión, da cultura en galego e que en aras dunha maior eficacia considera que a cooperación en programas culturais beneficia ao mundo da cultura galega.

Para o cumprimento destes fins a Federación utiliza, entre outros, os seguintes medios:

Participa na política libreira e bibliográfica e intervén nas actividades que afecten ao mercado do libro, á comercialización e aos intereses profesionais dos asociados; fomenta e organiza feiras do libro en todos os seus ámbitos; organiza ou colabora na organización de actividades culturais, recreativas ou sociais e participa activamente no fomento do libro.

De acordo coa planificación estratéxica realizada pola Dirección Xeral de Políticas Culturais para o ano 2020, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos neste plan, nos que non é posible promover a concorrência, polas especiais características da entidade coa que se leva a cabo esta colaboración.

Con este convenio asegúrase a realización de diversas manifestacións da cultura galega levadas a cabo por entidades que a queren dar a coñecer, mediante a súa promoción dentro e fora do noso país, coa organización de actividades que permitan un maior coñecemento dela.

Por isto, para acadar unha maior eficacia na execución de actuacións, dado o interese común das partes asinantes, que teñen intereses coincidentes, é polo que asinan este convenio de colaboración, de acordo coas seguintes,

ESTIPULACIÓNS

PRIMEIRA.- OBXECTO

Este convenio ten por obxecto establecer as bases de colaboración entre a Consellería e a Federación para a realización das feiras do libro de Galicia en 2020; o obxectivo destas feiras é Promoción do libro e fomento da lectura, potenciación da creación literaria e a posta en valor do traballo literario, a promoción dos autores e autoras, os certames literarios e premios que axudan os escritores a difundiren as súas obras; así como tamén as actividades artísticas que complementan as feiras, para todos os públicos, en especial da infancia, e que garanten a participación social en todos os eidos culturais, sen esquecer a importancia da recuperación e a utilización de espazos públicos. Con isto estase a conseguir a valoración social do patrimonio cultural e a difusión e posta en valor da lingua galega que en definitiva é o fin último que se persegue.

O sector do libro galego, formado por pequenas librarías e editoriais, non ten suficiente capacidade económica para acometer un circuíto desta magnitude, e que debe ser a administración a que colabore neste propósito, e precisamente é esta amplitude de contidos a que



conforma a xustificación da non concorrencia, ante a dificultade que sería recoller nunha única convocatoria pública, un proxecto plural destas características.

SEGUNDA.- ACTUACIÓNS

O circuío de feiras desenvolveranse nas seguintes localidades: O Porriño, Ferrol, Ourense, Santiago de Compostela, Cambados, Vigo, Ponteareas, Redondela, Rianxo, A Coruña, Viveiro, Foz e Monforte de Lemos.

Dada a situación de excepcionalidade deste ano debido á pandemia do Coronavirus (COVID-19), o calendario pode sufrir modificacións para adaptarse ás normativa que se deba aplicar aos eventos públicos realizados en espazos abertos.

LOCALIDADE	DATAS	LUGAR
Santiago de Compostela	Do 13 ao 21 de xuño	Paseo Central da Alameda
Vigo	Do 25 de xuño ao 4 de xullo	Rúa do Príncipe
Ponteareas	Do 9 ao 12 de xullo	Praza Maior
Redondela	Do 16 ao 19 de xullo	Alameda
Rianxo	Do 23 ao 26 de xullo	Praza Castelao
A Coruña	Do 1 ao 10 de agosto	Xardíns de Méndez Núñez
Foz	Do 20 ao 23 de agosto	Praza de Conde Fontao
Monforte de Lemos	Do 26 ao 29 de agosto	Rúa do Cardeal
Ourense	Do 9 ao 12 de outubro	Rúa do Paseo

As actuacións a realizar pola Federación son as seguintes:

1.- Xestión de coordinación, apoio e información 42.000€

- Xestión de coordinación: 34.000€
- Xestión de información nas feiras: 8.000€

2.- Acceso a datos, luz, son, extintores e outros elementos..... 27.500€

- Luz, extintores e outros elementos: 6.500€
- Acceso a datos: 12.500€



● Son: 8.500€

3.- Implantación de medidas sanitarias, limpeza e desinfección 18.700€

4.- Vixilancia e seguridade 12.430€

5.- Deseño e comunicación 12.500€

● Inauguracións e outros eventos: 5.000€

● Comunicación e divulgación: 3.000€

● Deseño, imaxe, difusión e adaptación individual: 3.000€

● Imprenta: 1.500€

6.- Estruturas e realización de actividades 50.000€

● Soportes de estruturas e adaptación de estruturas estándar: 27.000

● Estruturas e mobiliario de actividades e información: 17.000€

● Actividades: 6.000€

Total orzamento 163.130€ (IVE non deducible non incluído)

Seguindo a tendencia de converter as feiras do libro en puntos de encontro culturais, de difusión do libro e da lectura, a Federación, dentro da medida do posible, dada a situación derivada da situación de alerta sanitaria, organizará actividades culturais, artísticas e sociais. As distintas actuacións inclúen presentación de libros, sinatura de exemplares polos autores, mesas redondas, clubs de lectura, manifestacións artísticas: danza, teatro, música ou artesanía. Inicialmente as actividades nas Feiras do Libro estarán limitadas a realización de sinaturas polos escritores e ao proxecto de Dinamización Acústica e a ampliación do mesmo no ámbito audiovisual. A incorporación de outras accións como presentacións de libros e outras manifestacións artísticas dependerán da evolución da situación sanitaria e a valoración de seguridade de cada Feira en concreto.

Estas feiras teñen como obxectivos primordiais o achegamento do libro aos seus potenciais lectores, mediante a súa exhibición, difusión e comercialización, fundamentalmente dos títulos publicados nos últimos anos, así como a promoción da lectura entre a sociedade galega.

A Consellería pretende con iso crear novas vías de achegamento cultural aos galegos, creando amplos escaparates, abertos a diferentes actividades susceptibles de comunicación a través da súa venda ou exposición pública.

De acordo co artigo 26 da Lei de Subvencións non é posible promover a concorrência pública para a realización destas actividades dada a especificidade e exclusividade das actividades a realizar



baseadas en criterios obxectivos, así coma o interese social das mesmas, xa que é a Federación a única que pode desenvolver as devanditas actividades na nosa comunidade autónoma.

Con data 30 de abril de 2020 o Consello da Xunta de Galicia acordou aprobar o Plan de reactivación dos sectores cultural e turístico fronte aos efectos derivados do Covid-19. As actuacións que se recollen neste convenio encaixan dentro do eixe 2 "mantemento do emprego cultural" medida: "axudas para o fomento e dinamización da cultura"

Por iso e de acordo coa planificación estratéxica realizada pola Dirección Xeral de Políticas Culturais, para o ano 2020, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

TERCEIRA.- COMPROMISOS DA CONSELLERÍA. FINANCIAMENTO

A Consellería comprométese a aboar o 80% do orzamento da actividade, que en ningún caso, este deberá superar a cantidade de 120.000 €, con cargo á aplicación orzamentaria 11.20.432B.781.1, dos orzamentos xerais da Comunidade Autónoma de Galicia para o ano 2020.

Recibida a Memoria das feiras do libro de 2020, na que figura un orzamento total de 163.130 €, a achega da Consellería será por tanto de 120.000€ que corresponde ao o 73,56% do orzamento total.

Queda por conta da entidade beneficiaria a diferenza de financiamento necesario, 26,44% restante a conta dos seus ingresos e recursos propios, para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actuación, segundo o establecido no artigo 21.2 do Decreto 11/2009, do 8 de xaneiro, e na forma recollida na estipulación sétima, último parágrafo.

Segundo o disposto no artigo 63 do Decreto 11/2009, do 8 de xaneiro, a Consellería poderá realizar pagamentos anticipados que suporán entregas de fondos con carácter previo á xustificación sempre que se constitúa a correspondente garantía á que obriga o artigo 67 do Decreto 11/2009, do 8 de xaneiro, mediante seguro de caución prestado por entidade aseguradora ou ben a través de aval bancario, que deberá cubrir o 110% do pago anticipado con alcance ata o 31 de decembro. A cantidade máxima que se realizará como pago anticipado será do 50% do importe subvencionado nun único anticipo. O segundo pagamento, 50% restante, non se realizará ata que estean integramente xustificadas a totalidade dos gastos correspondentes á actividade subvencionada.

As garantías deberán constituírse na Caixa Xeral de Depósitos da Comunidade Autónoma de Galicia, ou en calquera das súas sucursais, situadas nas delegacións territoriais da Consellería de Facenda (artigo 69 do Decreto 11/2009, do 8 de xaneiro)

CUARTA.- COMPROMISOS DA FEDERACIÓN



A Federación comprométese a destinar os fondos percibidos ao obxecto concreto para o que foron concedidos. A Consellería poderá comprobar, cando o considere pertinente, a execución das actividades obxecto deste convenio.

A Federación comprométese, pola súa parte, a facer constar en toda a publicidade que xeren estas actividades –tanto impresa como audiovisual- a colaboración da Xunta de Galicia, para o que utilizará a normativa da imaxe corporativa da Xunta de Galicia. Así mesmo, a Federación deberá dar cumprimento as obrigas de publicidade que se establecen no artigo 15.3 da Lei 9/2007, do 13 de xuño, de subvencións de Galicia e artigo 20,1 do Decreto 11/2009, do 8 de xaneiro.

A Federación comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tal como se recolle no apartado d) deste artigo, a Federación ten a obriga de comunicar a obtención doutras axudas, ingresos ou recursos que financien as actividades subvencionadas. Tamén será de aplicación o establecido no Decreto 11/2009, do 8 de xaneiro, Regulamento de subvencións de Galicia. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo.

A Federación ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas, así como presentar a avaliación de resultados que figura na estipulación décimo segunda.

QUINTA.- COMPATIBILIDADE

A obtención desta axuda é compatible coa obtención doutras axudas, subvencións, ingresos ou recursos para a mesma finalidade procedentes de calquera outra Administración ou entes públicos ou privados, nacionais da Unión Europea ou de organismos internacionais. A suma do conxunto das axudas solicitadas e/ou concedidas para o obxecto do convenio non poderá superar o 100% do custo da actividade a desenvolver, que figura no convenio.

SEXTA.- COMPROBACIÓN DE DATOS

Para a tramitación deste convenio consultarase automaticamente os datos incluídos nos seguintes documentos elaborados polas administracións públicas:

Certificacións da AEAT, da Tesourería Xeral da Seguridade Social e da consellería competente en materia de facenda da Xunta de Galicia, acreditativas do cumprimento das obrigas tributarias e fronte á Seguridade Social, e de non ter pendente ningunha outra débeda coa Administración pública da Comunidade Autónoma, referido ás entidades locais.

No caso de opoñerse a esta consulta, deberán indicalo expresamente e, ao mesmo tempo, achegar os documentos oportunos. Excepcionalmente, no caso de que algunha circunstancia imposibilite a



obtención dos citados datos, poderase solicitar ás persoas interesadas a presentación dos documentos correspondentes.

Así mesmo, de acordo co artigo 10 da Lei 9/2007, o beneficiario deberá presentar unha declaración responsable de non estar incurso en ningunha das prohibicións para obter a condición de beneficiario, sinaladas nos apartados 2 e 3 do citado artigo. Esta declaración deberá presentarse antes da sinatura do convenio.

SÉTIMA.- COMISIÓN MIXTA DE SEGUIMIENTO

Créase unha comisión mixta de seguimento para aclarar as dúbidas derivadas da interpretación e execución deste convenio, formada pola subdirectora xeral de bibliotecas da Consellería de Cultura e Turismo e polo director xeral de Políticas Culturais, ou persoas en quen deleguen.

Serán funcións da devandita Comisión a coordinación e seguimento das obrigas das partes no presente convenio e a resolución dos problemas de interpretación e cumprimento que poidan proporse con respecto ao convenio.

OITAVA.- GASTOS SUBVENCIONABLES.

Serán subvencionables aqueles gastos realizados e pagados antes de finalizar o período de xustificación que se deriven da execución daquelas actuacións previstas na memoria de actividades e determinadas neste convenio, e que de maneira indubidable respondan á natureza da actividade subvencionada, coas peculiaridades dos seguintes conceptos:

Gastos de persoal directo: Só se terá en conta aquel traballo realizado que non ten que ver co traballo ordinario na Federación, isto implica que os pagos en concepto de soldo bruto e seguridade social de persoal propio a cargo da Federación será subvencionado exclusivamente en función do número de horas adicado ao proxecto. A estimación do tempo de dedicación ás actividades fundamentarase na elaboración de informes, na realización de cada feira, na planificación de dedicación de horas de traballo a captación e seguimento das empresas que participan nas feiras, entre outros.

No caso do persoal propio da Federación será subvencionable a parte proporcional do importe retribuído polo tempo dedicado a organización das feiras. No caso do persoal de contratación temporal específica para desenvolver ás actuacións previstas neste convenio, o tempo completo dedicado. O importe máximo mensual subvencionable por gastos de persoal, é dicir a suma total do propio máis o temporal, non poderá superar os 3500€ por mes, sendo o tempo máximo de cómputo 7 meses.

Gastos de organización e mantemento dos stands nas feiras: serán subvencionados os gastos de electricidade, son, telefonía e transmisión de datos que se correspondan as datas de realización de cada unha das feiras. En ningún caso este tipo de gastos poderá ser facturado por terceiras



persoas, debendo achegarse no momento da súa xustificación a factura da empresa comercializadora da enerxía, telefonía ou de telecomunicacións e na que se terá en conta únicamente o período que se corresponda coas datas de realización da feira. Cando por circunstancias excepcionais e perfectamente xustificadas as facturas non as emitan as empresas comercializadoras e si outra empresa, estes gastos estarán perfectamente desglosados e acreditado o seu pagamento.

Contratación de empresas especializadas: Cando o importe do gasto subvencionado supere as contías establecidas na Lei de contratos do sector público para o contrato menor, na actualidade valor estimado inferior a 15.000€, o beneficiario deberá solicitar como mínimo tres ofertas de diferentes provedores, con carácter previo á contratación do servizo ou subministro (artigo 29.3 da Lei de subvencións de Galicia), xustificando nunha memoria a elección cando esta non sexa a máis vantaxosa economicamente.

NOVENA- XUSTIFICACIÓN

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007 de 13 de xuño, de subvencións de Galicia, e en todo caso deberán corresponder aos conceptos e contías estipulados no presente convenio. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% da contía concedida é o 31 de outubro de 2020.

2- De conformidade co previsto na Lei 9/2007, de 13 de xuño, de subvencións de Galicia, para efectos desta xustificación consideraranse os gastos realizados durante o ano 2020, ata a data tope de xustificación da axuda, que respondan, en todo caso, á natureza da actividade subvencionada.

A documentación requirida na fase xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

A Federación presentará electronicamente a xustificación da subvención dentro do prazo establecido e incluírá a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actividades realizadas e dos resultados obtidos.
- Informes de dedicación do persoal propio da entidade ao obxecto do convenio, indicando a proporción da nómina que corresponde a actividade ou o número de horas vinculadas ao proxecto
- Unha memoria económica xustificativa do custo das actividades realizadas que conterà:
 - Unha relación clasificada dos gastos e investimentos da actividade, con identificación do acredor, do importe, data de emisión e data de pagamento.



- As facturas ou documentos de valor probatorio equivalente incorporados na relación a que se fai referencia no parágrafo anterior e a documentación acreditativa do pagamento.
- Unha relación detallada dos fondos propios aplicados ao proxecto, que non debe ser inferior ao 20% do proxecto inicial de actividades.
- Memoria económica dos ingresos obtidos por feira (alugueres de casetas, donativos ...)

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. Cando a Consellería advirta un exceso de financiamento, minorará a subvención na parte proporcional. En caso contrario procederá o reintegro do exceso obtido sobre o custo da actividade subvencionada así como a esixencia do xuro de demora correspondente.

No caso de que a Federación non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

De acordo co disposto no artigo 30.2 da Lei 9/2007, de subvencións de Galicia, as actuacións obxecto do convenio están sometidas á comprobación explícita da súa realización por partes dos servizos técnicos da Xunta de Galicia.

DÉCIMA.- PARTICIPACIÓN DOS COLABORADORES

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

DÉCIMO PRIMEIRA.- PUBLICIDADE

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno aberto da Xunta de Galicia incluíndo os datos identificativos das persoas asinantes.

Así mesmo, a Federación, acepta e consente a remisión do convenio, logo da súa sinatura, ao Rexistro de Convenios da Xunta de Galicia, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de convenios da Xunta de Galicia.



De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

DÉCIMO SEGUNDA.- AVALIACIÓN DE RESULTADOS

Co fin de valorar os resultados finais en relación aos fondos públicos, unha vez presentada a xustificación, ou xunto con ela, en todo caso antes do 31 de decembro, a Federación de Libreiros de Galicia deberá enviar unha avaliación dos resultados obtidos nas actividades obxecto do convenio, conforme o modelo que figura como Anexo I.

DÉCIMO TERCEIRA.- CAUSAS DE RESOLUCIÓN

As partes poderán denunciar ou modificar o presente convenio en calquera momento por mutuo acordo.

O incumprimento de calquera das obrigas contraídas no presente convenio por unha das partes facultará á outra para rescindilo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.

O incumprimento de calquera das cláusulas deste convenio constituirá causa suficiente para a súa rescisión, e así mesmo procederá o reintegro da subvención cando conorra algunha das causas previstas no artigo 33 da Lei 9/2007, de 13 de xuño, de subvencións de Galicia.

Por transcurso do prazo de vixencia do presente convenio.

DÉCIMO CUARTA.- RÉXIME XURÍDICO

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento, Decreto 11/2009, de 8 de xaneiro. Aplicarase con carácter supletorio a Lei 38/2003, do 17 de novembro, xeral de subvencións.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.



DÉCIMO QUINTA.- CONSENTIMIENTO DAS PARTES EN MATERIA DE PROTECCIÓN DE DATOS.

As persoas asinantes deste convenio manifestan o seu consentimento para que os seus datos persoais que aparecen neste e máis o resto de especificacións nel contidas poidan ser publicados no Portal de Transparencia e Goberno Aberto. Así mesmo, as persoas asinantes deste convenio manifestan o seu consentimento para que as súas rúbricas consten nas copias que se remitan para a súa publicación no referido portal.

As partes asinantes comprométense a cumprir, en todo momento, as disposicións contidas na normativa básica estatal e autonómica do tratamento dos datos persoais.

Para o cumprimento da finalidade deste convenio, cada unha das partes declara e garante que, con anterioridade á subministración á outra parte de datos persoais de calquera persoa física involucrada na sinatura deste convenio ou no seu desenvolvemento, informará as persoas interesadas de forma lícita, leal e transparente das garantías sobre política de protección de datos persoais incluída no presente documento, e tamén doutros requisitos que puidesen ser de aplicación para a correcta cesión dos seus datos persoais á outra parte. Para tales efectos, as páxinas webs das partes asinantes deste acordo <https://www.xunta.gal/informacion-xeral-proteccion-datos> e <http://www.librarias.org/> conteñen información relativa ao tratamento dos datos persoais e o modo en que poden exercer os seus dereitos, o contacto cos delegados ou delegadas de protección de datos e demais aspectos esixidos pola normativa vixente no que se refire aos dereitos de acceso, rectificación, cancelación ou oposición, así como aos dereitos de transparencia da información, de supresión, limitación, portabilidade ou reclamación.

Os datos persoais conservaranse durante o tempo necesario para o cumprimento da finalidade obxecto deste convenio e, con posterioridade ao remate da súa vixencia, polo tempo de prescrición das accións legais correspondentes para a tutela do dereito á protección de datos persoais. Os datos destruíranse logo de que transcorra o referido prazo de prescrición.

As partes non lles cederán a terceiros os datos persoais tratados ao abeiro deste convenio, agás aqueles que sexan estritamente necesarios para publicar a identidade páxinas web, nos taboleiros de anuncios, nas redes sociais ou nos medios de comunicación que ambas as dúas partes asinantes determinen.

Os representantes das partes asinantes e demais titulares dos datos tratados ao abeiro deste convenio poderán exercer os seus dereitos de acceso, oposición, rectificación, supresión e limitación mediante o envío dunha petición razoada dirixida á sede da Secretaría Xeral Técnica da Consellería de Cultura e Turismo en Santiago de Compostela (Edificio Administrativo de San Caetano, s/n), ou no seu enderezo electrónico <https://www.xunta.gal/exercicio-dos-dereitos>. Así mesmo, as persoas interesadas que consideren lesionado o seu dereito á protección de datos poderán presentar unha reclamación ante a Axencia Española de Protección de Datos (www.agpd.es).



DÉCIMO SEXTA.-VIXENCIA

O período de vixencia deste convenio será dende a súa sinatura e ata o 31 de decembro de 2020.

DÉCIMO SÉTIMA.-NOTIFICACIÓN ELECTRÓNICA

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en todas as estipulacións. Esténdese en duplicado exemplar, no lugar e data arriba indicados.

O conselleiro de Cultura e Turismo

Román Rodríguez González

A presidenta da Federación de Libreiros de Galicia

Pilar Rodríguez Álvarez

